



გამარტივებული ელექტრონული ტენდერის საშუალებით 3 ერთეული პროექტორის (ეკრანით)

სახელმწიფო შესყიდვის

სატენდერო დოკუმენტაცია

(CPV 30100000, 30191200)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერი ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის საფუძველზე

ქ. თბილისი
2015 წელი

სარჩევი

1. ინსტრუქცია ტენდერში მონაწილეობის	3
2. ტექნიკური მოთხოვნები	4
3. სხვა მოთხოვნები	4
4. დამატებითი ინფორმაცია	5
5. სახელმწიფო შესყიდვის შესახებ ხელშეკრულების პროექტი	6
6. დანართი N1	12
7. დანართი N2	13

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდამსმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური დავალება

2.1 შესყიდვის ობიექტია 3 ერთეული პროექტორი (3 ეკრანით). მისაწოდებელი საქონელი უნდა აკმაყოფილებდეს შემდეგ მინიმალურ ტექნიკურ მოთხოვნებს:

პროექტორი	მახასიათებლები	რაოდენობა
ტექნოლოგია	DLP	3 ერთეული
მატრიცის ზომა	0.65	
სიკაშკაშე	3000	
კონტრასტი	15000:1	
მაქსიმალური გაფართოვება	1600 x 1200	
გამოსახულების ფორმატი	16:10 / 4:4 / Auto	
HDMI კაბელი	მინიმუმ 15 მ	
დისტანციური მართვა	დისტანციური მართვის პულტი	
ინტერფეისი	RGB Input: 2 x 15-pin mini D-sub RGB Output: 1 x 15-pin mini D-sub Component: 2 x 15-pin mini D-sub (Shared with RGB Input) S-Video: 1 x 4-pin mini-DIN Digital In: 1 x HDMI Composite Video In: 1 x RCA Audio Input 1: 1 x 3.5 mini jack Audio Input 2: 1 x 3.5 mini jack Audio Output: 1 x 3.5 mini jack Control / Service port: RS-232 USB: 1 x Type B (for mouse control and service) Network: RJ-45	
პროექტორის ეკრანი		რაოდენობა
კედელზე ჩამოსაკიდი	მინიმალური ზომა 180სმ x 180სმ	3 ერთეული

შენიშვნა: მისაწოდებელი საქონელი უნდა იყოს ახალი, ქარხნულ შეფუთვაში.

3. სხვა მოთხოვნები:

3.1. მიწოდების ვადა და ადგილი:

3.1.1. მიწოდების ვადა: ხელშეკრულების დადებიდან 30 კალენდარულ დღეში.

3.1.2. მიწოდების ადგილი: ქ. თბილისი, წერეთლის გამზ. 95ა.

3.1.3. მისაწოდებელ საქონელზე უნდა ვრცელდებოდეს მინიმუმ 1 წლიანი გარანტია.

3.2 სატენდერო წინადადების ფასი:

3.2.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

3.3. ანგარიშსწორების პირობები:

3.3.1 ანგარიშსწორება მოხდება უნაღდო ანგარიშსწორებით ლარში.

3.3.2 ანგარიშსწორება განხორციელდება მიღება-ჩაბარების გაფორმებიდან 20 სამუშაო დღეში.

3.3.3 წინასწარი ანგარიშსწორება (აღვანი) არ გამოიყენება.

3.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

3.4.1. რეკვიზიტები დანართი №1-ის შესაბამისად;

3.4.2 ფასების ცხრილი დანართი №2-ის მიხედვით;

4. დამატებითი ინფორმაცია:

4.1. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

4.2 დამატებითი ინფორმაციისა და განმარტებების მიღება დაინტერესებულ პირებს შეუძლიათ მიიღონ შემდეგი საკონტაქტო პირისაგან: სატენდერო კომისიის აპარატი: შესყიდვების სამსახური: თამარ ქავთარაძე ტ: 272-22-72 შიდა ნომერი 1222; ინფორმაციული ტექნოლოგიების დეპარტამენტი: გიორგი ჯალიაშვილი ტ: 272-22-72 შიდა ნომერი 1020;

5. სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში

ქ. თბილისი

--- 2015 წ

ერთი მხრივ, ა(ა)იპ – ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი, წარმოდგენილი მისი თავმჯდომარის, ალექსი ახვლედიანის სახით (შემდგომში წოდებული, როგორც „შემსყიდველი“)

მისამართი: საქართველო, თბილისი, ძველი თბილისი რაიონი, მაჩაბლის ქ. №11;

საიდენტიფიკაციო კოდი: 404404211;

მეორე მხრივ ----- „-----“, წარმოდგენილი მისი ----- სახით, (შემდგომში წოდებული, როგორც „მიმწოდებელი“)

მისამართი: ქ. თბილისი, -----;

საიდენტიფიკაციო კოდი: -----;

საბანკო რეკვიზიტები: სს „-----“, ბანკის კოდი: -----, ა/ა: -----

იმის გათვალისწინებით, რომ შემსყიდველმა _____ (CPV: _____) სახელმწიფო შესყიდვის მიზნით გამოაცხადა №SPA----- გამარტივებული ელექტრონული ტენდერი, სადაც გამარჯვებულად მიჩნეული იქნა მიმწოდებელი. სახელმწიფო შესყიდვის მიზნით, „სახელმწიფო შესყიდვების შესახებ“ საქართველოს კანონისა და ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

1.1. ხელშეკრულება - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. ხელშეკრულების ღირებულება – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.

1.5. სატენდერო წინადადება – მიმწოდებლის მიერ წარმოდგენილი ტექნიკური დოკუმენტაცია (შესყიდვის ობიექტის ტექნიკური და ხარისხობრივი აღწერა) და ფასების ცხრილი/მისაწოდებელი შესყიდვის ობიექტის ხარჯთაღრიცხვა (შესყიდვების ერთიან ელექტრონულ სისტემაში მიმწოდებლის მიერ დაფიქსირებული საბოლოო ფასის შესაბამისად), რომელიც დაერთვება ხელშეკრულებას, როგორც მისი განუყოფელი ნაწილი.

1.6. „ტექნიკური მოთხოვნები“ – №SPA----- გამარტივებული ელექტრონული ტენდერის სატენდერო დოკუმენტაციის ტექნიკური მაჩვენებლები.

მუხლი 2. ხელშეკრულების საგანი

2.1. ხელშეკრულების საგანს წარმოადგენს _____ (CPV: _____) შესყიდვა. შესყიდვის ობიექტის ტექნიკური მონაცემები, რაოდენობა და თამდევნი მომსახურების ჩამონათვალი და ფასების ცხრილი განსაზღვრულია

ხელშეკრულების დანართი N1-თ (შემდგომში „შესყიდვის ობიექტი“). დანართი N1 თან ერთვის წინამდებარე ხელშეკრულებას, როგორც მისი განუყოფელი ნაწილი.

მუხლი 3. მხარეთა უფლებები

3.1. „მიმწოდებელს“ უფლება აქვს:

3.1.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;

3.1.2. დადოს ხელშეკრულება/ხელშეკრულებები ქვეკონტრაქტორებთან, პრომითი და სხვა სახის ხელშეკრულებები თავისი სახელით, წინამდებარე ხელშეკრულებით ნაკისრი ვალდებულებების შესრულების მიზნით; მიმწოდებელი ვალდებულია სრულად დაიცვას ინფორმაციის კონფიდენციალურობის ვალდებულება ამგვარი სახელშეკრულებო ურთიერთობისას, წინააღმდეგ შემთხვევაში, კონფიდენციალურობის ვალდებულების დარღვევისათვის პასუხს აგებს მიმწოდებელი ამ ხელშეკრულებისა და საქართველოს კანონმდებლობით დადგენილი წესით. ამგვარ სახელშეკრულებო ურთიერთობებში მიმწოდებელი მონაწილეობს თავისი სახელით და დაუშვებელია მისგან გამომდინარე ან/და მასთან დაკავშირებით პასუხისმგებლობის დაკისრება შემსყიდველისათვის;

3.2. „შემსყიდველს“ უფლება აქვს:

3.2.1. მოითხოვოს შესყიდვის ობიექტის მიწოდება და წინამდებარე ხელშეკრულებით განსაზღვრული ვალდებულებების შესრულება სრულად და ჯეროვნად, ხელშეკრულებით გათვალისწინებული ხარისხის (ტექნიკური პირობები თუ სხვა სახის მონაცემები) და ვადის შესაბამისად.

3.2.2. მოსთხოვოს მიმწოდებელს ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულებით გამოწვეული ზიანის ანაზღაურება;

3.2.3. არ აუნაზღაუროს მიმწოდებელს მიწოდებული შესყიდვის ობიექტის ღირებულება, იმ შემთხვევაში თუ სახეზე არ არის ნივთობრივად და უფლებრივად უნაკლო შესყიდვის ობიექტი;

3.2.4. მოსთხოვოს მიმწოდებელს ინფორმაცია ქვეკონტრაქტორებისა და იმ პირების შესახებ, რომლებიც პირდაპირ თუ ირიბად დაკავშირებულნი არიან მიმწოდებლის მიერ შემსყიდველისათვის ხელშეკრულებით განსაზღვრული შესყიდვის ობიექტის მიწოდებასთან.

3.2.5. წერილობითი (მათ შორის ელ. ფოსტის მეშვეობით) ან/და ზეპირი ფორმით მისცეს მითითებები მიმწოდებელს ვალდებულებათა შესრულების თაობაზე. ამ სახით განხორციელებული მითითებები სავალდებულოა შესასრულებლად და წარმოადგენს წინამდებარე ხელშეკრულების ნაწილს, თუ მითითება განხორციელდა ხელშეკრულებით განსაზღვრული კონტროლის განხორციელებაზე უფლებამოსილი პირების მიერ.

3.2.6. აწარმოოს ხელშეკრულების პირობების შესრულების კონტროლი.

მუხლი 4. მხარეთა ვალდებულებები

4.1. „მიმწოდებელი“ ვალდებულია:

4.1.1 დადგენილ ვადებში უზრუნველყოს შესყიდვის ობიექტის მიწოდება ხელშეკრულებით დადგენილი პირობების შესაბამისად.

4.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

4.1.3. გადასცეს შემსყიდველს ამ ხელშეკრულების მეორე მუხლში მითითებული უფლებები და ნივთობრივად უნაკლო შესყიდვის ობიექტი.

4.1.4. იმ შემთხვევაში, თუ შეუძლებელია ან შეფერხდება ხელშეკრულებით განსაზღვრული ვალდებულებების შესრულება, შესყიდვის ობიექტის ხელშეკრულებით განსაზღვრული სპეციფიკის, ტექნიკური მონაცემებისა თუ რაოდენობით მიწოდების შემთხვევაში, ამის თაობაზე დაუყოვნებლივ აცნობოს შემსყიდველს. ასეთ შემთხვევაში, მხარეთა შეთანხმებით განხორციელდება შესაბამისი ცვლილებები ხელშეკრულებაში ან/და მის დანართში, გარდა იმ შემთხვევებისა, თუ აღნიშნული წარმოადგენს ხელშეკრულების შეწყვეტის საფუძველს;

4.1.5. უზრუნველყოს შესყიდვის ობიექტის მიწოდება ხელშეკრულებით განსაზღვრულ დროსა და ადგილზე ან/და შემსყიდველის უფლებამოსილი წარმომადგენლის მიერ წერილობითი თუ ზეპირი მითითებების შესაბამისად;

4.1.6. საკუთარი რესურსითა და ხარჯით აღმოფხვრას ხარვეზი, რომელიც გამოვლინდება შესყიდვის ობიექტის მიწოდებისა თუ თანმდევი მომსახურების გაწევისას. ხარვეზის აღმოფხვრისათვის შემსყიდველი მიმწოდებელს განუხაზვრავს გონივრულ ვადას. აღნიშნული ვადის გასვლის შემდგომ შემსყიდველი უფლებამოსილია თავად გამოასწოროს ხარვეზი (ნაკლი). ხარვეზის აღმოფხვრისას შემსყიდველის მიერ გაწეული ხარჯი გამოიქვითება მიმწოდებლისათვის ასანაზღაურებელი თანხიდან. იმ შემთხვევაში, თუ ხარვეზის (ნაკლის) აღმოფხვრა შეუძლებელია ან დაკავშირებულია დიდ ძალისხმევასთან და შეუსაბამოდ ხანგრძლივ ვადებთან, შემსყიდველი უფლებამოსილია აღნიშნული ხარვეზის (ნაკლის) მქონე საქონლის ან/და მომსახურების ღირებულება გამოქვითოს მიმწოდებლისათვის ასანაზღაურებელი თანხიდან და მოითხოვოს ხელშეკრულების შეწყვეტა;

4.1.7. დაუყოვნებლივ აცნობოს შემსყიდველს წინამდებარე ხელშეკრულებით ნაკისრი ვალდებულებების შესრულების შეუძლებლობის ან შესრულების სავარაუდო დაგვიანების თაობაზე;

4.1.8. ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

4.1.9. არ გაამჟღავნოს, არ გადასცეს მესამე პირს ან სხვა სახით არ დაუშვას წინამდებარე სახელშეკრულებო ურთიერთობის საფუძველზე შემსყიდველისა და აღნიშნული ხელშეკრულების შესახებ ან/და მისგან გამომდინარე მისთვის გადაცემული ნებისმიერი ინფორმაცია, მიუხედავად ინფორმაციის წერილობითი თუ ზეპირი ფორმისა. აღნიშნული ინფორმაციის კონფიდენციალურობის დაცვის ვალდებულება ვრცელდება ასევე ნებისმიერ პირზე, რომელიც მიმწოდებლის მხრიდან მონაწილეობას იღებს წინამდებარე ხელშეკრულებით ნაკისრი ვალდებულებების შესრულებაში. ინფორმაციის კონფიდენციალურობის დაცვის ვალდებულება ძალაში შედის ხელშეკრულებაზე ხელის მოწერის თანავე და მოქმედებს იქამდე, ვიდრე შემსყიდველი მისი გაუქმების თაობაზე არ გამოხატავს წერილობით თანხმობას. მიმწოდებლის ან/და ამ პუნქტით განსაზღვრული ნებისმიერი პირის მიერ ამ ვალდებულების დარღვევის შემთხვევაში, მიმწოდებელი პასუხს აგებს ამ ხელშეკრულებითა და საქართველოს კანონმდებლობით დადგენილი წესით.

4.1.10. შემსყიდველის მოთხოვნისთანავე, ნებისმიერ დროს მიაწოდოს ინფორმაცია ვალდებულებათა შესრულების მიმდინარეობის შესახებ;

4.1.11. შესყიდვის ობიექტის ექსპლუატაციის განმავლობაში დაზიანების ან/და ქარხნული წუნის აღმოჩენის შემთხვევაში, წინამდებარე ხელშეკრულების მე-15 მუხლისა და საგარანტიო პირობების (რომელიც თან ერთვის წინამდებარე ხელშეკრულებას) შესაბამისად აღმოფხვრას აღნიშნული ნაკლი შემსყიდველის მხრიდან დამატებითი ანაზღაურების გადახდის გარეშე.

4.2. მიმწოდებელი აცხადებს, რომ გააჩნია შესაბამისი კვალიფიკაცია და გამოცდილება ხელშეკრულებით განსაზღვრული შესყიდვის ობიექტის მიწოდების სფეროში.

4.3. მიმწოდებელი პასუხისმგებელია მიწოდებული შესყიდვის ობიექტის დეფექტისა თუ თანმდევი მომსახურების (მონტაჟი) არასათანადოდ განევით გამოწვეულ შედეგებზე და ზიანზე, მათ შორის მესამე პირების მიმართ დადამდგარ შედეგებზე ხელშეკრულებისა და საგარანტიო ვადის მოქმედების განმავლობაში.

4.4. „შემსყიდველი“ ვალდებულია:

4.4.1 უზრუნველყოს „მიმწოდებლისათვის“ ხელშეკრულების ღირებულების გადახდა წინამდებარე ხელშეკრულების პირობების შესაბამისად.

4.4.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

მუხლი 5. ხელშეკრულების ღირებულება

5.1. ხელშეკრულების ღირებულება შეადგენს -----.00 (-----) ლარს.

5.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“ (მათ შორის - დღგ) და ყველა ხარჯი, რომელიც დაკავშირებულია ხელშეკრულებით განსაზღვრული შესყიდვის ობიექტის მიწოდებასთან.

მუხლი 6. ანგარიშსწორების წესი

6.1. შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის ღირებულება, მიღება-ჩაბარების აქტის გაფორმებიდან და წინამდებარე ხელშეკრულების 7.2. პუნქტში მითითებული დოკუმენტაციის წარმოდგენიდან 20 (ოცი) სამუშაო დღის ვადაში..

6.2 ანგარიშსწორების ვალუტა – ლარი;

6.3. გადახდის ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

მუხლი 7. შესყიდვის ობიექტის მიწოდების ადგილი, ვადები და მიღება-ჩაბარების წესი

7.1. ხელშეკრულებაში განსაზღვრული პირობების შესაბამისად შესყიდვის ობიექტის მიწოდება უნდა განხორციელდეს

7.2. შესყიდვის ობიექტის მიწოდებისას მიმწოდებელი ვალდებულია უზრუნველყოს ყველა შესაბამისი ფინანსური დოკუმენტაციის წარდგენა შემსყიდველისათვის.

7.3. შესყიდვის საგანი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს -----
-----.

მუხლი 8. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა ხელმოწერიდან და მოქმედებს 2015 წლის -----
ჩათვლით.

მუხლი 9. ხელშეკრულების პირობების შესრულების კონტროლი

9.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

9.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება შემსყიდველის მხრიდან ევალება -----.

მუხლი 10. ხელშეკრულების შეწყვეტა

10.1. ხელშეკრულება შეიძლება შეწყვეტილ იქნეს:

ა) წინამდებარე ხელშეკრულებით ნაკისრი ვალდებულებების შესრულებით.

ბ) მხარეთა შეთანხმებით.

გ) ცალმხრივად, ერთი მხარის ინიციატივით, თუ მეორე მხარე დაარღვევს ხელშეკრულებით ნაკისრ ვალდებულებას; ასეთ შემთხვევაში, ხელშეკრულების შეწყვეტის ინიციატორი მხარე თავდაპირველად წერილობით განუსაზღვრავს მეორე მხარეს ვალდებულების შესრულების გონივრულ ვადას და ატყობინებს, რომ ამ ვალდებულების შეუსრულებლობის შემთხვევაში შეწყდება ხელშეკრულების მოქმედება. დამატებითი ვადის განსაზღვრა არ არის სავალდებულო, იმ შემთხვევაში, თუ აშკარაა რომ ამ ვადაშიც ვერ შესრულდება ნაკისრი ვალდებულება;

დ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

მუხლი 11. მხარეთა მიერ ვალდებულებების შეუსრულებლობა

11.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1%-ის ოდენობით ყოველ ვადაგადაცილებულ დღეზე.

11.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.3. იმ შემთხვევაში, თუ მიმწოდებლისათვის ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება და მოითხოვოს ზიანის ანაზღაურება.

მუხლი 12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამომწვეულია ფორს-მაჟორული გარემოებებით.

12.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, შესყიდვის ობიექტის მიწოდებაზე ემბარგოს დაწესება, სახელწიფო გადატრიალება და სხვ.).

12.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 13. ხელშეკრულების პირობების გადასინჯვის წესი

13.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

13.2 ამ ხელშეკრულების 13.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

13.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

14.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას 10%-ზე მეტი ოდენობით ან შემსყიდველისათვის ხელშეკრულების პირობების გაუარესებას.

15. ხელშეკრულებაში ცვლილებებისა და დამატებების შეტანის წესი

15.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

15.2 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით, მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

16. გარანტია

16.1. შესყიდვის ობიექტის ექსპლუატაციის განმავლობაში ან/და ექსპლუატაციამდე გამოვლენილ ნაკლზე, მათ შორის ქარხნულ წუნზე ან/და დაზიანებაზე ვრცელდება გარანტია. გარანტიის მოქმედების ვადა შეადგენს -- (----) წელს.

16.2. განატია გულისხმობს მიმწოდებლის ვალდებულებას საკუთარი ხარჯებით გამოასწოროს ან შეცვალოს საქონლის ექსპლუატაციის პერიოდში შემსყიდველის მიერ აღმოჩენილი ნაკლი, რომელიც არ არის შეგნებული ჩარევით მიყენებული დაზიანება და დაცულია საგარანტიო პირობები (საგარანტიო პირობები თან ერთვის წინამდებარე ხელშეკრულებას, როგორც მისი განუყოფელი ნაწილი).

17. ხელშეკრულების შესრულების შეფერხება

17.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადანწყვეტილება, აღნიშნულ გარემოებებთან დაკავშირებით.

17.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადანწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

18. სადავო საკითხების გადანწყვეტა

18.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოგვარონ ურთიერთშეთანხმების გზით.

18.2. მხარეებს, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით, შეუძლიათ მიმართონ სასამართლოს.

19. ხელშეკრულების ენა

19.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

20. განსაკუთრებული პირობები

20.1. ხელშეკრულება შედგენილია 2 ეგზემპლარად და თითოეულ მათგანს აქვს თანაბარი იურიდიული ძალა.

20.2. ხელშეკრულების ერთი ეგზემპლარი ინახება „მიმწოდებელთან“, ერთი ეგზემპლარი – „შემსყიდველთან“.

20.3. ყველა დანართი, რომელიც თან ერთვის წინამდებარე ხელშეკრულებას წარმოადგენს მის განუყოფელ ნაწილს და განიხილება ხელშეკრულებასთან ერთად. იმ შემთხვევაში, თუ წარმოიშობა რამე სახის წინააღმდეგობა ხელშეკრულებასა და მის დანართებს შორის უპირატესობა ენიჭება ხელშეკრულებაში მოცემულ პირობებს.

შემსყიდველი:

მიმწოდებელი:

დანართი #1

რეკვიზიტები:

პრეტენდენტის იურიდიული-სამართლებრივი ფორმა და დასახელება:

ხელმძღვანელობასა და წარმომადგენლობაზე უფლებამოსილი პირის სახელი და გვარი:

პრეტენდენტის იურიდიული ან/და ფაქტობრივი მისამართი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

საიდენტიფიკაციო კოდი:

ხელმოწერა _____

ბ.ა

ფასების ცხრილი

#	შესყიდვის ობიექტის დასახელება (შწარმოებლის და მოდელის მითითებით)	შესყიდვის ობიექტის ტექნიკური მახასიათებლები და წარმოშობის ქვეყანა	რაოდენობა	გარანტია	მიწოდების ადგილი	მიწოდების ვადა	ერთეულის ფასი	მთლიანი ფასი
1	პროექტორი (ეკრანით)		3 ერთეული		ქ. თბილისი წერეთლის გამზ. 95ა			
სულ:								

ხელმოწერა _____ ბ.ა